

4

Middeweek! Martini-Demo



van Hans-Hermann
Briese

Blot dat trankiele Ingriepen van en Hunnerts-kupp van de Emdr Schandarms is to verdanken, dat en neet anmeldde un genehmigde Demonstration in sowat en halve Stünn uplööst worden kunn. Bi de Demonstranten wurren Stück of wat Slagstocken un Pyrotechnik seker stellt.

So as de Polizei mitdeelt, hebben ruugweg fievig Unnerjährike in dat Oller tüsken dree un sess Jahren an de Kundgeven deelnomen. Ogentügen berichten, dat se luudstark Spröken as „Laterne, Laterne!“ un „Rabimmel, rabammel, rabumm, bumm, bumm!“, repen un daarbi Stocken drogen, an de vörn Brandsatzen fastmaakt wassen.

Of sük dat bi de Demonstranten, de sük as Leden van de Kinnergaarn „Rode Möhlen“ utgafften, um en Extremisten-Koppel hannelt, word van de Schandarms noch unnersöcht. De Naam „Rode Möhlen lett daar ja an den-

ken!

Dat 42-jährige Froominske, de bi de Demonstration mitleep, wurr fastnomen un sitt nu achter dicke Dören. En Keerl up en Peerd, de all Anschien na van dat Wark dat Leit harr, gaff dat Deer de Sporen un verswunn tüsken de Husen.

De Polizei leet ok weten, dat de Kookjes, de dat Volk bi sük harr, in Beslag nomen wurr un nu up Drogen unnersöcht worden sallen.

Sowat teihn Schandarms wassen van de obsternaatske Kinner krabbt of tegen de Scheen paast worden. Tegen disse Lüü harren se Straafanzeigen upsett van wegen Sehrdoon van

Beamten. Man Straafanzeigen helpen ja nix bi Minsken unner söven.

Un waar de Ollen to de Tied west hebben? Nüms weet dat un daarbi was dat düdelk al 'n Sett na Fieravend, vanwegen, se wassen noch up Arbeid!

Sessteihn Schandarms wurren krankschreven.